

წინამდებარე ხელშეკრულება მხარეების მიერ ხელმოწერილია კვალიფიციური ელექტრონული ხელმოწერით „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების შესაბამისად.

## ხელშეკრულება №2021-02/045 სახელმწიფო შესყიდვის შესახებ

2021 წლის 11 თებერვალი

ქ. თბილისი

ერთის მხრივ, **სსიპ – ილიას სახელმწიფო უნივერსიტეტი**, წარმოდგენილი ადმინისტრაციის ხელმძღვანელის **ქეთევან ლაკირბაიას** სახით, (შემდგომში წოდებული „შემსყიდველად“)

მისამართი: ქ. თბილისი, ქაქუცა ჩოლოყაშვილის გამზ. №3/5;

საიდენტიფიკაციო კოდი: 204861970;

საბანკო რეკვიზიტები: სახელმწიფო ხაზინა, ხაზინის ერთიანი ანგარიში, ბანკის კოდი: TRESGE22.

**2021 წლის ეკონომიკური საქმიანობიდან მიღებული შემოსავლები**

მეორე მხრივ, **შპს „ფლაგ არტი“** მისი დირექტორის **რომან დარჩიაშვილის** სახით (შემდგომში წოდებული „მიმწოდებლად“)

მისამართი: ქ. თბილისი, კალოუზნის 40.

საიდენტიფიკაციო კოდი: 206 160 018

საბანკო რეკვიზიტები: სს „საქართველოს ბანკი“; კოდი: BAGAGE22 ა/ა: **GE72 BG00 0000 0894 3561 01**

ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „ვ“ ქვეპუნქტით, ვაფორმებთ წინამდებარე ხელშეკრულებას შემდეგზე:

### 1. ხელშეკრულების საგანი

1.1. მიმწოდებელი გაუწევს შემსყიდველს ამ ხელშეკრულების პუნქტი 1.2-ში მითითებულ მომსახურებას ხელშეკრულებით გათვალისწინებულ ვადებში, ხოლო შემსყიდველი იღებს აღნიშნულ მომსახურებას და ვალდებულია დროულად, ამ ხელშეკრულების პირობების შესაბამისად გადაიხადოს მისი საფასური.

1.2. მიმწოდებელი გაუწევს შემსყიდველს ბეჭვდით მომსახურებას (CPV კოდი: **79800000** - ბეჭდვა და მასთან დაკავშირებული მომსახურებები).

1.2.1. ბანერი - 70 მ<sup>2</sup>

### 2. ხელშეკრულების მოქმედების ვადები

ხელშეკრულება ძალაში შედის ხელმოწერის მომენტიდან და მოქმედებს 2021 წლის 31 მარტის ჩათვლით.

### 3. მომსახურების გაწევის წესი და ადგილი

3.1. ხელშეკრულებით გათვალისწინებული ვალდებულების შესრულების ადგილია, ქ.თბილისი კალოუზნის 40.

3.2. მომსახურების მოწოდება ხორციელდება ხელშეკრულების გაფორმებიდან არაუგვიანეს 2020 წლის 18 თებერვლისა.

### 4. მხარეთა ვალდებულებები

4.1. მიმწოდებლის ვალდებულებები:

4.1.1. მიმწოდებელი ვალდებულია გაუწიოს შემსყიდველს ამ ხელშეკრულების 1.2. პუნქტში მითითებული ნივთობრივად და უფლებრივად უნაკლო მომსახურება.

4.1.2. მიმწოდებლის ვალდებულება მომსახურების გაწევაზე ითვლება შესრულებულად გაწეული მომსახურების შემსყიდველის მიერ ამ ხელშეკრულების 1.2. პუნქტთან შესაბამისობის შემოწმებისა და მიღება-ჩაბარების აქტის გაფორმების მომენტიდან. ხელშეკრულებით ნაკისრი ვალდებულების შესრულებასთან ერთად, მიმწოდებელი ვალდებულია გადასცეს შემსყიდველს ყველა შესაბამისი დოკუმენტი;

4.1.3. თუკი, ხელშეკრულების 1.2. პუნქტით გათვალისწინებული მომსახურება არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი ან შეცვალოს იგი სხვა მომსახურებით საკუთარი ხარჯით.

4.2. შემსყიდველის ვალდებულებები:

4.2.1. შემსყიდველი ვალდებულია მომსახურების სრულყოფილად გაწევის შემდეგ გადაიხადოს მისი ფასი ამ ხელშეკრულებით გათვალისწინებული პირობებით;

4.2.2. მომსახურების გაწევის შემდეგ შემსყიდველი ვალდებულია შეამოწმოს მიმწოდებლის მიერ გაწეული მომსახურების შესაბამისობა ამ ხელშეკრულების 1.2. პუნქტით შეთანხმებულ მომსახურებასთან.

4.2.3. შემსყიდველი ვალდებულია აუნაზღაუროს მიმწოდებელს მიღებული მომსახურების ღირებულება მისი, ამ ხელშეკრულებით დადგენილი წესით, სრულად მიღებიდან 10 დღის განმავლობაში.

### 5. ფასი და ანგარიშსწორების წესი

5.1 ხელშეკრულების 1.2. პუნქტში გათვალისწინებული ერთი მ<sup>2</sup> ბანერის ღირებულებაა **20,00** (ოცი) ლარი.

5.2 ხელშეკრულების ჯამური ღირებულებაა **1400,00** (ერთი ათას ოთხი) ლარი.

5.3. ანგარიშსწორება ხდება ამ ხელშეკრულებით დადგენილი წესით, უნაღდო ანგარიშსწორებით, მომსახურების მიღებიდან 10 დღის ვადაში.

## **6. ხელშეკრულების ინსპექტირება**

6.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

6.2. ამ მუხლის პირველი პუნქტით გათვალისწინებული კონტროლისა და ზედამხედველობის განხორციელება ევალება უნივერსიტეტის შესყიდვების სამსახურის მთავარ სპეციალისტს - **შოთა სიბაშვილს**.

## **7. შესყიდვის საგნის მიღება-ჩაბარების წესი**

7.1. შესყიდვის საგანი ჩაითვლება მიღებულად მას შემდეგ, რაც შემსყიდველის მიერ გამოყოფილი პირები მიღება-ჩაბარების აქტზე ხელმოწერით დაადასტურებენ მის მიღებას.

7.2. გაწეული მომსახურების და ხელმოწერის უფლებამოსილება მიღება-ჩაბარების აქტზე შემსყიდველის მხრიდან მიენიჭოს უნივერსიტეტის შესყიდვების სამსახურის მთავარ სპეციალისტს - **შოთა სიბაშვილს**.

## **8. ხელშეკრულების შეწყვეტა**

8.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება მომსახურების ხელშეკრულებით გათვალისწინებული ხარისხის მნიშვნელოვანი დარღვევის შემთხვევაში.

8.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია საქონლის სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების შესრულებას;

დ) მიმწოდებლის მიმართ დაიწყო გაკოტრების საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

8.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

## **9. მხარეთა პასუხისმგებლობა**

9.1. ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მიმწოდებელს დაეკისრება პირგასამტეხლოს გადახდა.

9.2. ხელშეკრულებით გათვალისწინებული ვალდებულებების შესრულების ვადის გადაცილების შემთხვევაში მიმწოდებელს ეკისრება პირგასამტეხლო შეუსრულებელი ვალდებულების ღირებულების 0,1 %-ის გადახდა ყოველ გადაგადაცილებულ დღეზე.

9.3. ხელშეკრულებით გათვალისწინებული ვალდებულების შეუსრულებ-ლობისათვის ეკისრება პირგასამტეხლო შეუსრულებელი ვალდებულების ღირებულების 10%-ის ოდენობით

9.4. შემსყიდველს ყოველთვის აქვს უფლება მოითხოვოს სახელშეკრულებო ვალდებულების შეუსრულებლობით, არაჯეროვანი შესრულებით ან ვადის გადაცილებით გამოწვეული ზიანის ანაზღაურება.

## **10. ფორს-მაჟორი**

10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

## **11. ხელშეკრულების პირობების გადასინჯვის წესი**

11.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

11.2. ამ ხელშეკრულების 11.1. პუნქტით განსაზღვრულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

11.3. გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

11.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა ამ ხელშეკრულების 11.1, 11.2. და 11.3. პუნქტებით განსაზღვრული შემთხვევებისა.

## 12. ხელშეკრულებაში ცვლილებებისა და დამატებების შეტანის წესი

12.1 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.

12.3 ხელშეკრულების პირობების ნებისმიერი ცვლილება და დამატება უნდა გაფორმდეს ახალი ხელშეკრულების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

## 13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

13.2 იმ შემთხვევაში თუ, ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

## 14. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

### მხარეთა ხელმოწერები:

#### შემსყიდველი:

სსიპ – ილიას სახელმწიფო უნივერსიტეტი

#### მიმწოდებელი:

შპს „ფლაგ არტი“

---

#### ქეთევან ლაკირბაია

ადმინისტრაციის ხელმძღვანელი

---

#### რომან დარჩიაშვილი

დირექტორი